



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2011 оны 06 сарын 18 өдөр

Дугаар 8/273

Алтай хот

Урамшуулал олгох тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь хэсэг, Байгаль орчныг хамгаалах тухай хуулийн 54 дүгээр зүйлийн 54.4 дэх хэсэг, Амьтны тухай хуулийн 38 дугаар зүйлийн 38.1 дэх хэсэг, Сангийн сайд, Байгаль орчны сайдын хамтарсан 2006 оны 342/366 дугаар тушаалаар батлагдсан "Байгаль орчны хууль тогтоомжийн зөрчлийг илрүүлсэн буюу зөрчлийн талаар бодит мэдээлэл өгсөн иргэнд мөнгөн урамшуулал олгох журам"-ын 22 дахь заалтыг тус тус үндэслэн **ЗАХИРАМЖЛАХ** нь:

1.Хүрээлэн буй орчны эсрэг гэмт хэрэг үйлдэн тус аймгийн Халиун сумын Сүүж багийн нутгаас ховор амьтан болох нэг тооны янгир ямааг хууль бусаар агнасан зөрчлийг илрүүлэхэд бодит мэдээлэл өгсөн иргэнд аймгийн орон нутгийн төсөвт оруулсан 5,400,000 төгрөгийн нөхөн төлбөрийн орлогын 15 хувийн урамшуулал болох 810,000 төгрөгийг мэдээлэгч иргэний дансанд шилжүүлсүгэй.

2.Мэдээлэгчийн урамшуулалд шаардагдах 810,000 (найман зуун арван мянган) төгрөгийг аймгийн Засаг даргын ерөнхий дансны нөхөн олговорын санхүүжилтийн зардлаас гаргахыг Засаг даргын Тамгын газар (Ц.Батзориг)-т зөвшөөрсүгэй.

3.Мэдээлэгч иргэний нууцлалыг чанд хадгалахыг холбогдох албан тушаалтнуудад үүрэг болгосугай.

4.Энэхүү захирамжийн биелэлтэд хяналт тавьж ажиллахыг Засаг даргын орлогч (Г.Чинбат)-д даалгасугай.

ЗАСАГ ДАРГА

О.АМГАЛАНБААТАР

